

The *Lucula noctis* Project
(<http://web.wlu.ca/history/cnighman/LN/index.html>)

Philosophia o

Aiebat namque Epithetus philosophus, sicut narrat Agellius libro Noctium Athicarum:

“Litteras atque doctrinas philosophie, cum in hominem falsum atque degenerem tamquam in vas spurcum atque pollutum influxissent, veterari, mutari, corrumpi, et urinam fieri.

Est,” inquit, “videri nonnullos pecunie cupidos, glorie multatos, libidinum servos, ut cum qualitate pugnet oratio;

reprehensibile enim apud philosophos fuit profiteri vitam philosophicam et tamen non vivere secundum eam.”

Lucula noctis, 7 (E. Hunt ed., p.56, ll.129-138).

Epichetus philosophus aiebat

litteras atque doctrinas philosophie cum in hominem falsum atque degenerem tamquam in vas spurcum atque pollutum influxissent, ueterari, mutari, corrumpi et urinam fieri.

Est, inquit, uidere nonnullos pecunie cupidos, glorie multos, libidinum seruos ut cum qualitate impugnet oratio.

Reprehensibile enim apud philosophos fuit profiteri uitam philosophicam et tamen non uiuere secundum eam.

Agellius libro XVII.

Manipulus florum, Philosophia o

Vnde et idem [Agellius] lib. 7. c. 19. ait, quod Epictetus philosophus ...

litteras, atque doctrinas philosophiae, cum in hominem falsum, atque degenerem tamquam in vas spurcum, atque pollutum influxissent, verti, mutari, corrumpi, et vrinam fieri,

aut si quid vis vrina spurcius. Haec ille. De talibus philosophis diffuse loquitur Tull. 2. Tusc. c. 4. vbi ait. Quous enim quisque philosophorum nuenitur, qui sit ita moratus, ita animo ac vita constitutus vt ratio postulat? qui disciplinam suam, non ostentationem scientiae, sed legeri vitae putet. Et sequitur.

Est videre alios pecuniae cupidos, glorie nonnullos, multos libidinum seruos, vt cum eorum vita pugnet oratio, quod quidem mihi videtur esse turpissimum.

...sic Philosophus in ratione vitae peccans, hoc turpior est, quod in officio, cuius vult esse magister, vitio labitur, artemque vitae professus, delinquit invita. Haec ille.

Reprehensibile ergo fuit apud philosophos profiteri vitam philosophicam, et tamen non viuere philosophum.

Iohannes Gallensis, *Compendiloquium*, 9.4.4 (L. Wadding ed., Rome, 1655, pp.402-3).

Nil profecto his verbis gravius, nil verius, quibus declarabat maximus philosophorum

litteras atque doctrinas philosophiae, cum in hominem falsum atque degenerem tamquam in vas spurcum atque pollutum influxissent, verti, mutari, corrumpi et, quod ipse χυνιχώτερ ait, urinam fieri aut si quid est urina spurcius.

Aulus Gellius, *Noctes Atticae*, 17.19.4 (C. Hosius ed., vol.2, p.221, ll.8-14).

videre licet alios tanta levitate et iactatione, ut iis fuerit non didicisse melius, alios pecuniae cupidos, glorie non nullos, multos libidinum servos, ut cum eorum vita mirabiliter pugnet oratio.

Marcus Tullius Cicero, *Tusculanae disputationes*, 2.4.12 (M. Pohlenz ed., p.285, ll.17-20).

Reprehensibile ergo fuit apud philosophos profiteri vitam philosophicam, et tamen non viuere philosophum.

Iohannes Gallensis, *Compendiloquium*, 9.4.4 (L. Wadding ed., Rome, 1655, p.403).